

Aventuras si surchombras

Nov cudesch d'uffants da la Lia Rumantscha

■ (Ir) La Lia Rumantscha ha edì il cudesch «Aventuras si surchombras», ina rinnada d'istorgettas curtas da l'autura enconuschenta Cornelia Funke. L'ediziuon per uffants dal stgalim bass è cumparida en sursilvan, puter e rumantsch grischun. Tgi che n'ha anc mai udì d'in magliacudeschs sto en minga cas leger il nov cudesch «Aventuras si surchombras»! En quel mangia l'animalet pailus numnadain istorgias da bellezza e quai ina suenter l'autra. Oravant tut sche quellas savuran dad aventuras e spierts, da tensiun e misteris.

L'aria si surchombras savura tut spezial e maina las lecturas ed ils lecturs en in auter mund: en in mund d'aventuras e spierts, da misteris e vestgadira veglia ch'ins po trair en per far teater. En sias tschintg istorgias raquinta l'autura tudestga Cornelia Funke a moda divertenta

e charina da provas da curaschi privlusas, da vairs chatschaders da spierts e dad umets da clerglina fitg spezials.

Il cudesch cuntegna istorgias curtas cun scrittira gronda ed è adattà per lecturas giuvnas e lecturs giuvens a partir da set onns. El è cumpari en sursilvan, puter e rumantsch grischun e po vegnir cumparà tar la Lia Rumantscha (telefon 081 258 32 22, www.liarumantscha.ch) u tar tut las librias che vendan cudeschs rumantschs per il pretsch da 13 francs.

Aventuras si surchombras, rumantsch grischun, ISBN 978-3-03900-103-3

Aventuras si surcombras, sursilvan, ISBN 978-3-03900-104-0

Aventuras sün crapenda, puter, ISBN 978-3-03900-105-7

Autura: Cornelia Funke

Illustraziuns: Elisabeth Holzhausen

Cudesch illustrà, en color

60 paginas A5

Stgalim bass

Cuverta dal cudesch.

MAD

